



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Epitome In Qvatvor Lib. Sententiarvm M. Petri Lombardi**

**Spina, Claudius de**

**Parisiis, 1551**

39. de impedimentis quæ faciunt personam penitus illegitimam respectu  
quaru[m]cunque personarum.

**urn:nbn:de:hbz:466:1-38840**

**CAP. Tertium.** Qui postquam clandestinè vel quomodolibet aliter cum vna contraxit, cum alia se matrimonio iungit, cum secunda remanere cogitur.

**hug. 4. senten. ca. 4.** **S**ed si quis in patria sua vxore relicta, in longinquam abiens regionem, aliam ducat vxorem: deinde pœnitentia ductus eam dimittere velit, asserens se aliam habuisse quæ viuit: nec Ecclesia pmittat, quæ quod ille asserit ignorat: quæritur an in hac secunda copula sit cōiugium. Sanè dici potest nō esse coniugium, & mulierem de crimine excusari per ignorantiam, virum autem adulterium admisisse. Sed ex quo ad primam redire volens, nec valens, cogitur Ecclesiæ disciplinam hanc tenere, incipit excusari per obedientiam & timorem, de hoc q̄ poscenti mulieri debitū reddit, à qua ipse nūquam poscere debet. & sic de aliis huiusmodi sentiendū.

**DE IMPEDIMENTO**  
disparitatis cultus.

**DISTINCT.** Trigesimænonæ  
**CAP.** Primum.

*Non licet Christiano cum gentili vel Indea inire coniugium.*

**exo. 24 dent. 7.** **P**rohibitum est etiam in vet. testam. vi- In superioribus defino dicente, Non accipias vxores de nitū est de

OO

*Istud non omnes probant.*

*273. b.*

impedimē. filiabus alienigenarū filiis tuis, ne traducant  
 tis que ille eos post deos suos. Iuxta hoc domini præce  
 gitimant ptum, ludæorū coniugia cum alienis inita *Esd. 10*  
 personā re Esdras separavit. Hoc idē in no. testam. etiā  
 spectu cu- servatur. Vnde Aug. Ne nubat fœmina nisi *lib. de*  
 iuslibet. suæ religionis viro: vel ne vir talem ducat *adul. cō*  
 nūc de im- vxorem. Id enim (vt dicit) iubet dominus, do *iug. ca.*  
 pedimentis cet Apostolus, vtrūque præcepit testamentū. *21. cō*  
 agitur que Huic autē non obuiat quod Apost. dicit de *28. q. 1*  
 illegitimāt imparibus cōiugiis, Ego dico, non dominus: *c. sic eī*  
 respectu a- Si quis frater habet vxorē infidelem, & hæc *1. cō. 7.*  
 liqu. rū per consentit habitare cū illo, nō dimittat illā: &  
 sonarum. si qua mulier, & c. quia Apost. agit de illis qui  
 vnus eiusdemque infidelitatis fuerunt quan *28. q. 1*  
 do cōiuncti sunt, & post alter ad fidē cōuer- *can. sic*  
 sus est, cui consulit Apost. alterū nō dimitte- *enim.*  
 re volētem cohabitare, nec à deo reuocare.  
 Ideo euidenter apparet & inter infideles cō-  
 iugiū esse. Potest tamen dici licitē dimitte-  
 re, quia in infideli est fornicatio, si nō corpo- *mult. 1)*  
 ris, tamen mentis: causam autem fornica-  
 tionis dominus excepit.

C A P. Secundum. Peccati conditio adiecta  
 impedit matrimonium.

**A** Vg, Rectissimē dimittitur, si viro suo di *li. de fi.*  
 cat. Non ero vxor tua, nisi mihi de la- *et ope-*  
 trocinio diuitias congreges, vel nisi so- *ri. 23.*  
 lita lænocinia exerceas, aut si quid aliud faci *q. 1. ca.*  
 norosum aut flagitiosum à viro suo expetat. *vxorle*  
 Tunc ille si veraciter pœnitens est, habetque *gitima*

290-a.  
 Fornicatio  
 m. 24. \*

fidem per dilectionem operantem, membrū *mult. 12.*  
quod eum scandalizat amputabit.

CAP. Tertium. Fidelis conuersus ad  
fidem, relicta vxore fidei, ea viuente  
aliam ducere nequit.

28. q. 2  
5. **A**mbrosius verba Apostoli exponēs ait: A-  
lioqui si disceditis ab inuicem, & volē-  
tes cohabitare dimittitis, & aliis vos co-  
pularis, adulteri estis. Item: Si quis habuerit  
vxorem virginem ante baptismum, viuente  
illa post baptismum alteram habere non po-  
test. crimina enim in baptismo soluuntur,  
non coniugia. Quod verò dicit Ambrosius:  
28. q. 5 Non debetur reuerentia coniugij ei qui hor-  
ret authorem coniugij: non est enim ratum  
matrimonium, quod sine deuotione Dei est:  
& ideo non est peccatum ei qui dimittitur  
propter Deum, si alij se copulauerit: distin-  
guendum est, quoniam aliud est dimittere  
volentem cohabitare, & aliud dimitti pro-  
pter Deum ab eo qui horret nomen Chri-  
sti. Ibi lex beneuolentiæ non conseruatur,  
hic veritas custoditur. Et ideo cum liceat di-  
mittere volentem cohabitare, non tamen ea  
viuente aliam ducere licet. Discedētem verò  
sequi nō oportet, & ea viuente aliam ducere  
licet. Sed hoc non est intelligendum, nisi de  
iis qui in infidelitate sibi copulati sunt. Sed  
si ad fidem vterque conuersus est, vel si

OO ij

uterque fideles matrimonio cōiunctus est, & pōst alter eorum à fide discesserit, & odio fidei coniugem reliquerit, dimissus discedentem non comitatur: nec tamen illa viuente aliam ducere poterit, quia inter eos fuerat ratum coniugium.

273-b. CAP. Quartum. Inter infideles matrimonium est legitimum.

**C**Opula maritalis quæ est inter infideles, coniugium est legitimum, sed non ratum. Legitimū, quia est inter legitimas personas: sed non ratum, quia sine fide. <sup>29. a</sup>  
 Quòd legitima sit infidelium cōiunctio Aug. testatur dicens: Vxor legitima societate coniuncta, sine vlla culpa relinquitur, si cum viro Christiano permanere noluerit. Ex hoc <sup>li. de fi. et ope. 28. q. 1</sup> etiam probatur quòd infideli ad fidem conuerso Apost. consuluit infidelem non dimittere. quod nō faceret, si nō esset inter eos legitimum coniugium. Legitimum est, quod legali institutione, vel prouinciæ moribus, non contra iussionem domini cōtrahitur. Quòd si obicias quod ait Apost. <sup>1. cor. 7. rom. 14</sup> Omne quod non est ex fide, peccatum est: dicitur non ita esse intelligēdum, vt quicquid fit ab infidelibus, peccatum sit: sed omne quod fit cōtra fidem i. conscientiam, malè fit, & ad gehennam ædificat. Vt in omni quod infidelis facit, peccat, nō quidē quia illud facit, sed quia nō

Legitimum quid

obiciam  
errari i.

lib. 2. par. 41.  
cap. 1. b.

28. q. 1. *parag. iis itaque.* co modo quo debet, non referens ad debi-  
tum finem. Ad illud autem quod dicit Aug.  
quia non est vera pudicitia infidelis cum fidei,  
dicitur quod negatur quidem vera esse pudi-  
citia: non quod infidelium coniugium non sit verum,  
sed quia non habet illud triplex bonum, quod  
excusat coitum, & meretur primum. 280.

DE IMPEDIMENTO CO-  
gnationis, primo carnalis.

DISTINCT. Quadragesima  
CAP. Primum.

*Cognatio usque ad septimum gradum  
impedit matrimonium.*

**C** Reg. Progeniem suam unumquemque usque  
ad septimam observare decernimus ge-  
nerationem: & quandiu se agnoscunt  
affinitate propinquos vel cognatos, ad con-  
iugalem copulam accedere denegamus. quod  
si fecerint, separentur.

*Episcopis  
gallie 35.  
q. 3. proge-  
niam.*

CAP. Secundum. Graduum consan-  
guinitatis varia est computatio.

**A**ttende quod Isido. sex gradus consan-  
guinitatis tantum ponit, ita dicens: Sor-  
des consanguinitatis sex gradibus diri-  
mitur hoc modo: Filius & filia, quod est  
frater & soror, sit ipse truncus. Illis vero seor-  
sum seiunctis, ex radice illius trunci egre-  
diuntur isti ramuli, nepos & neptis, pri-